

ունին իրանց ծոցի մէջ ապահով ապաստանա-
րան ապաւինողի համար :

Ատրպատականի հայը միշտ երեւում էր
զինուորուած իր երկրագործական գործիքնե-
րով . նրա ձեռքում միշտ տեսնում էր բահ,
բրիչ, մանգալ . . . Արիւն թափող եւ անձնա-
պաշտպանութեան անօթների մասին նա գաղա-
փար անգամ չունէր . . . Տափ կլիման թուլացը-
րել էր նրա ուղեղը, նրա կենսական ոյժը . . .
Իսկ հողագործութիւնը պահպանում էր նրա
մէջ անասնական բթամտութիւնը եւ եզր համ-
բերութիւնը :

Տարօնը, վասպուրականը աւելի լեռնոտ
եւ սառն երկիրներ էին . . . Բնակիչների գլխա-
ւոր պարասպունգը անասնապահութիւնն էր . . .
Նրանք միեւնոյն ժամանակ եւ երկրագործ եւ
հովիւներ էին : Ձմեռը անցուցանում էին նրանք
գետնափոր խրճիթներում, իսկ տարուան մնա-
ցած ամիսները չադրներում, լեռների բարձ-
րաւանդակների վրայ :

Այստեղ, հայերի մի այսպիսի կիսա-չուա-
կան եւ կիսա-հաստատարական կեցութիւնը տը-
ւել էր նրանց բնաւորութեանը երկակեցեցող
կենդանիների յատկութիւններ : Նրանց գետնա-
փոր խրճիթներն իրանց ստորերկրեայ ոլոր-
մոլոր խորշերով աւելի նման էին սողունների
որջին եւ դա մտցրել էր բնակիչների մէջ օձի
նեւգութիւնը եւ նրա յիստերիալ չարամտութիւ-
նը : Նա պատրաստ էր խայթել, եթէ յարմար
միջոցներ գտնէր : Նրանց հովուական չադրնե-
րը, կազմուած լեռների բարձրաւանդակների
վրայ, բազմազոյ ջրվեժների մօտ, շրջապա-
տած հսկայական ժայռերով, որոտի եւ կայ-
ծակի անեղ սպառնալեաց ներքոյ, — տուել էին
նրանց բնաւորութեանը աւելի կիսավայրենի
եւ կիսագազանային յատկութիւններ :

Հայը իր հայրենի լեռներին թէեւ հարա-
գատ, բայց փնացած որդին էր : Գուրդը նրա
մտերիմ որդեգիրն էր : Հայը ոչ կատարեալ
երկրագործ էր եւ ոչ կատարեալ հովիւ : Գուր-
դը հաւատարիմ էր մնացել իր պարասպուն-
գին . նա հոգով եւ սրտով հովիւ էր . . . Այս
պատճառով նա տիրում էր :

Հովիւները միշտ տիրում են, որպէս ի-
րանց հօտերին, նոյնպէս եւ մերձաւոր ժողո-
վուրդներին : Մարդկութեան առաջին տիրա-

պետողներն եղել են հովիւները : Մեր Հայկ
նահապետը նոյնպէս մի քաջ հովիւ էր :

Տարօնի եւ վասպուրականի հայը . . . վա-
րում էր որպէս չուական, նոյնպէս եւ հաստա-
տարական կեանք : Իր գիւղում, գետնափոր խր-
ճիթների մէջ, նա ապրում էր որպէս գազանը
իր որջում . իր արտերի մէջ նա զինուորուած
էր բահով եւ մանգաղով . իր լեռների արօտնե-
րում . . . հրացանով եւ թրով : Այսպիսի երկա-
կեցեցող ապրուստը տուել էր նրան երկերեսա-
նի բնաւորութիւն, — նա միեւնոյն ժամանակ
նուանեալ ժողովուրդ էր, հպատակի բոլոր
համբերութեամբ . . . եւ կատաղի ապստամբ
էր, եթէ միջոցները կը նպաստէին նրան :

Այս էր պատճառը, որ Կարօն շատ անգամ
ասում էր . «Այս ժողովուրդից կարելի է մի
բան սպասել, նա բոլորովին մեռած չէ, նա մի
օր կը գցէ իր պարանոցէն ֆրդի լուծը» :

Կարօի գուշակութիւնը անհիմն չէր : Շա-
տալսի, Սասնոյ եւ Մոզաց երկրի հայերը, ու-
րոնք իրանց կեցեցողավարութեամբ չէին գա-
նագանում ֆրդերից, բոլորովին ազատ էին եւ
ինքնակալ»*) . . .

*Անվիճելի ճշմարտութիւններ չեն, ան-
չուշա, այդ բոլոր դատողութիւնները, բայց
կան այդտեղ ճիշդ ու առողջ դադափարներ,
որոնք կը վկայեն, որ այդ բնածին, ինքնուս,
զարմանալիօրէն օժտուած Գրողը միանգամայն
խորհող մըն է — փիլիսոփայական մտակազ-
մով — լուրջ, խորունկ եւ ինքնատիպ :*

* * *

*Որքա՞ն լաւ էր ուսումնասիրել իր հարա-
զատ ժողովուրդը, անոր պատմութիւնն ու առ-
օրեայ կենցաղը, անոր դրացիները՝ քերզը,
թուրքը, պարսիկը, ասորին, անոնց նիստ ու
կացը, բարբերն ու հոգեբանութիւնը : — Վար-
պետ զըջով կը վերլուծէ եւ կը լուսարանէ այդ
ցեղերու յարաբերութիւնները, վարպետօրէն
կը ցուցադրէ խափիրութեան, զրգական Քէօ-
դալիգմի միջնադարեան սխտեմը, որ իր ա-
հարկու ծանրութեամբ ընկած էր թուրքահայ
ժողովրդի վզին . . . Անտարակոյս, յառաջին հայ
մտատրականն էր, որ մօտիկէն ճանչցեր ու
նկարագրեր էր ցեղագրական այդ զարհուրելի*

*) «Կայծեր», հատ . Ա . էջ 309-314